



Jen Bureejtōn
Henry B. Eyring

Rikakpilōklōk eo Kein Kajuon ilo
Bureejtōnji eo Kein Kajuon

Kar kūr jān Anij im kar Rejtak jen Armej ro

Ainwōt membōr ro an Kabuñ, emakijkij ad ruwainene ñan rejtak armej ilo kūr ko ñan jermal. Iiō ko ļok juon rijikuuļ 18 iiō dettan eaar kwaļok ñan ña ta meļeļe in ñan rejtak ro rikarejerman Irooj. Ij jeramman wōt jān waanjoñak in an ettā.

Ej kab tōn kar jino iiō eo an kein kajuon ilo kaļoj. Eaar peptaij edik ļok jān juon iiō mōkta jān kar likūt kapijuknen eo an ñan jino ekkatak ko an ilo juon university eļap. Ijin Iaar jermal ainwōt juon bisop.

Ke jikuuļ eaar ijino, eaar wōr juon aō iien intōrpiu ippān ilo opij eo an bisop. Ij kememej jidik kōn kar kōmmano eo jino in tata ijellok in ke eaar kōnono kōn apañ ko an ilo jikin eo ekāāl, bōtaab Ijjamin naaj meļok-ļok kōmmano eo amro kein karuo.

Eaar kajitōk ñan aō iion e ilo opij eo aō. Iaar bwi-
lōñ ke eaar ba, “Jemaroñ ke jar ippān doon, im Imaroñ ke jar?” Iaar tōn kar ba bwe emōj aō kar jar kadede im kar kōtmene bwe emōj an barainwōt jar. Ijellokin Iaar errā.

Eaar jino jar eo an kōn juon an naan in kaņool bwe eaar jeļā bwe bisop eo eaar kūr jān Anij. Eaar kajitōk ippān Anij ñan jiroñ eō ta eo ej aikuj kōmmane ilo juon jekjek eo eļap an rej waļok an jetōb. Likao in eaar jiroñ Anij eaar jeļā bisop eo emōj an kar jeļā kadede aikuj ko an im enaaj kar leļok kapilōk eo eaar aikuj in roñ.

Ke eaar kōnono, kauwōtata ko rejenļok enaaj kar

jelmai kar itok ñan ļoļātāt eo aō. Kapilōk eo eaar kadu bōtaab kar leļok ilo lukkuun alikkar: jar iien otemjej, pokake kien ko, im jab mijak.

Likao in, juon iiō in an pād ilo Kabuñ in, kar katakin kōn waanjoñak ta eo Anij emaroñ kōmmane kōn juon ritōl ainwōt an kar rejtak kōn tōmak im jar ko an ro me kar kūr e ñan tōl er. Likao in eaar kwaļok ñan eō kajoor eo an kien jeļā ļomnak eo ilo Kabuñ in (lale D&C 26:2). Meñe Irooj ej kūr ro Rikarejerman kōn mađenļok, remaroñ jermal wōt alkin aer kar rejtak jān ro kar kūr er ñan jermal ñan er.

Jen bout in rejtak eo ad, jej kōmmani kalimur ko raorōk. Jej kalimur ñan jar kōn ro rikarejerman Irooj im bwe E enaaj tōl im kōkajoor er (lale D&C 93:51). Jej kalimur bwe jenaaj pukōt im kōtmene ñan eñjake imwe eo jān Anij ilo kapilōk eo aer im jabdewōt iien rej jermal ilo kūr eo aer (lale D&C 1:38).

Kalimur in enaaj aikuj emakijkij ad kōkāāle ilo būruwōd. Rūkaki in Jabōt Jikuuļ eo am enaaj kajieoñ katakin jān Jetōb, ak eja ainwōt am maroñ kōmmane, rūkaki eo am emaroñ kōmmani bōd ko imaan kūlaj eo. Kwe, mekarta, maroñ kālet ñan roñjake im lale iien ko me kwomaroñ eñjake imwe eo ej itok. Ilo tōre eo kwo-naaj kile an iiet ļok bōd ko im emakijkij an ļapļok kein kaņool ko bwe Anij ej rejtak rūkaki eo.

Ilo ad kajutak peid ñan rejtak juon armej, jej

kalim̄mur ñan jermal kōn jabdewōt un an Irooj me armej eo ej kūr ñan kadedeļok. Ke ajri ro nejim raar iddik, lio pāleō kar kūr ñan katakin ajri ro eddik ilo ward eo am. Iaar jab kajutak wōt peiū ñan rejtak e, ak Iaar barāinwōt jar kōn e innām kajjitōk kar mālīm ñan jipañ e. Katak ko Iaar bōk an kaṃoolol kōn ta eo kōrā ro rej kōmṃane im kōn iakwe eo an Irooj ñan ajri ro ej kōjeramṃan wōt baamṃle eo aō im mour eo aō.

Raan ko ļok Iaar kōnono ippān juon likao eo eaar rejtake bisop eo an iiō ko ļok. Iaar katak bwe Irooj im armej raar rejtake e ilo kūr eo an āinwōt juon mijenede, āinwōt juon stake būreejtōn, im āinwōt juon jemen. Eaar ba ke kōmṃao eo am eaar jemṃļok, “Ij jar wōt kōn kwe aolep raan.”

Jemaroñ jokālet ñan jar raan otemjeļok kōn juon eo kar kūr i jān Anij ñan jermal ñan kōj. Jemaroñ ļōmṃak kōn juon eo me eaar kōjeramṃan kōj jān jermal in jipañ eo an. Jemaroñ jokālet ñan baļintier ñe juon eo jaar rejtake ej kajjitōk kōn baļintier ro.¹

Ro me rej rie ro rikarejeran Irooj ilo aelōñ in kiiñ eo An naaj rejtake jān kajoor eo An ekajoor otem kajoor. Jej aolep aikuj kōjeramṃan in.

KAKEEMEMEJ

1. Lale *Teachings of Presidents of the Church: Joseph F. Smith* (1998), 211–12.

KATAKIN JĀN ENNAAN IN

Ālkin kwaļok ennaan eo, ļōmṃak in riiti kout kein: “Irooj enaaj kōmṃan bwe kwon juon kein jermal ilo Pein eļañne kwoj ettā, tiljek, im niknik. . . . Kwonaaj bōk eļapļok kajoor ñe kwoj rejtak jān jarlepju eo im kōjenōļok” (*Teaching, No Greater Call* [1999], 20). Kōmṃan bwe baamṃle eo en kuk ippān doon ipeļaaikin juon men eddo im kajjitōk ippān juon armej ñan kajjeoñ kotak e. Kobaik bar juon armej ilo juon iien, kūr bar membōr ro an baamṃle eo ñan jipañ kotak

men eo. Ekōnono kōn ta eo ej waļok ñe aolep rej jipañ. ļōmṃak in bar kalikkar kapilōk eo an Būreejtōn Eyring kōn wāween ko repidodo jemroñ rejtake ro jet ilo kūr ko aer.

JODIKDIK RO

Kaṃoolol ñan Rūkaki in Jabōt Jikuuļ eo Aō

Name withheld

Kūļaj in Jabōt Jikuuļ eo aō ejjab iien otemjej kautiej. Ij iakwe roñjake katak eo aolep wiik, bōtaab jet iien ej āinwōt ejjab ro jet ilo kūļaj eo aō. Emakijkij aer kōnono ñan don ak ikkure kōn electronic ko nejier ñe rūkaki eo ej kajjeoñ katakin kōm. Ekabūromōjōjōj, jet iien Ij lo aō mōttan jorrāan eo.

Juon wiik kōm kar nana ļok āinwōt mōkta, im ilo jemṃļok in kūļaj eo, rūkaki eo am eaar jañ kōnke ejjeļok juon ekar roñjake katak eo an. Ke kōm kar diwōjļok jān kūļajruum eo, eaar jab emṃan aō mour.

Jabōt eo tok juon rūkaki eo am eaar kōmeļeļeik bwe eaar ļap an jar ilo wiik eo, pukōt tōl, im eaar waļok ñan e bwe eaar aikuj in kwaļok ñan kōm juon pija an Kabuñ. Eaar jino pija eo, eo eaar kōn mour eo an Jisōs Kraist im kabwilōñlōñ ko E eaar kōmṃani.

Ke laar ļōmṃak kōn pija eo joten eo, laar eñjake juon men eoktak. Ejjab to laar kile bwe laar eñjake Jetōb eo, eļapļok jān aō kō kar eñjake mōkta ļok. Ejjab etto laar jokālet bwe laar kōṃaan kōmṃani otkak ko ilo mour eo aō ñan erom ļok āinwōt Rilō-moṃor eo, im laar kile bwe eñjake eo ilo Jabōt Jikuuļ eo ilo raan eo eaar lukkuun kōkajoorļok naan in kaṃool eo aō. Eļap aō kaṃoolol kōn rūkaki in Jabōt Jikuuļ eo aō im aolep men eaar kōmṃani ñan kūļaj eo am aolep wiik.



Tōmak, Baamle, Deeor

Jerbal in Loḷok an Kōrā, juon Jerbal Ekwojarjar

Lukkuun jar im ekkatak kōn kein katak in im, ñe ekkar, ekōnono kake ippān jejtōr ro komij loḷok. Kōjerbal kajjitōk ko ñan jipañ eok kōkajoorḷok jejtōr ro aṃ im ñan kōmṃan bwe Douluul eo an Kōrā ro en mōttan eo emourur tata ilo mour eo aṃ make.

Ainwōt rūkaki in loḷok ro an Kōrā, ewōr juon ad mijen ilo jetōb ñan kakūrṃool. “Bisop eo, eo ej rilale jiiip eo eṃōj kar kapit ilo ward eo, ejjab maroñ lale aolep jiiip ko an Irooj ilo juon wōt iien. Ej ej lōke rūkaki in loḷok ro an kōrā ro im ewōr iṃwe ko ñan jipañ er.”¹ Pukōt im bōk ṃadenḷok eo ainwōt ñan wōn ro rej aikuj in kar jitōñ er ñan mije kajjojo sister ro ej raorōk.

Iṃwe ej ijijino ilo an ruo uwaan būreejtōnji eo an Douluul eo an Kōrā kanooj jar ilo aer ekōnono kōn aikuj ko an kajjojo im baamle ko. Innām, kōn mālim eo an bisop eo, būreejtōnji eo an Douluul eo an Kōrā ej leḷok ijitōñ ko ilo juon wāween me ej jipañ sister ro meḷeḷe bwe jermal in loḷok an kōrā ej juon eddo eaorōk ilo jetōb.²

Rūkaki in loḷok ro an kōrā rej lukkuun jeḷā im iakwe kajjojo sister, jipañ e kōkajoorḷok tōmak eo an, im leḷok jermal in jipañ ñe aikuj. Rej pukōt iṃwe an juon make ñan jeḷā ekōjkan ṇa mejlan aikuj ko ilo jetōb im kanniōk an kajjojo sister ro rej loḷok.³

“Jerbal in loḷok ko an kōrā rej erom jermal an Irooj ñe aolepād ej ioon armej ro im jab bōnbōn ko. Ilo ṃool, jermal in loḷok an kōrā ej jamin dedeḷok. Ej wāweenḷok juon mour jen juon jermal.”⁴

Jān Jeje ko Rekwojarjar

Matu 22:36–40; Jon 13:34–35; Alma 37:6–7

Jān Bwebwenato eo Ad

Eliza R. Snow, būreejtōn eo eutiey kein karuo an Douluul eo an Kōrā eaar katakin, “Ij kile opiiy eo an juon rūkaki eutiey im opiiy ekwojarjar.” Eaar kapilōk rūkaki in loḷok ro an kōrā “ñan obrak kōn Jetōb eo an Anij, kōn māletlet, kōn ettā, kōn iakwe” ṃokta jān aer loḷok ṃōko bwe ren maroñ in kile im ṇa mejlan aikuj ko ilo jetōb barāinwōt ko ilo kanniōk. Eaar ba, “Koṃ maroñ eñjake ñan kōnono naan in aenōṃman im kaenōṃman, im eḷañne koṃ ilo juon sister ej piiḷ, bōkwaj ṇaiubōṃ ainwōt ñe kwar kōmṃane ñan juon ajri im kōmeṇeṇe [e].”⁵

Ilo ad ilok ilo tōmak ainwōt sister ro ilo Douluul eo an Kōrā

jinoon tata kar kōmṃane, enaaj pād Jetōb Kwojarjar eo ippād im iṃwe ñan jeḷā ekōjkan ad jipañ kajjojo sister ro jej loḷok. “Kōmṃan bwe [jen] pukōt māletlet ijjelōkin kajoor,” Sister Snow eaar ba, “im enaaj wōr [ad] kajoor otemjeḷok ewōr [ad] māletlet ñan kōjerbal.”⁶

KAKEMEMEJ KO

1. Julie B. Beck, “Relief Society: A Sacred Work,” *Liaona*, Nob. 2009, 60.
2. Lale Bok in *Bōk Meḷeḷe 2: Tōl Kabuñ eo* (2010), 9.5; 9.5.2.
3. Lale Bok in *Bōk Meḷeḷe 2*, 9.5.1.
4. Julie B. Beck, *Liaona*, Nob. 2009, 114.
5. Eliza R. Snow, ilo *Daughters in My Kingdom: The History and Work of Relief Society* (2011), 108.
6. Eliza R. Snow, ilo *Daughters in My Kingdom*, 45–46.

Ta Eo Imaroñ Kōmṃane?

1. Ewi wāween Aō maroñ kōkōmṃanṃanḷok maroñ eo aō ñan kakūrṃool jermal eo aō eaorōk ainwōt rūkaki in loḷok ro an kōrā?

2. Ainwōt juon rūkaki in loḷok an kōrā, ewi wāween Aō maroñ jipañ sister ro jet kakūrṃool eddo eo aer ainwōt rūkaki in loḷok ṃōko an kōrā?

Ñan meḷeḷe ko reḷḷapḷok, etal ñan reliefsociety.lds.org.